


بنجه ملستریم اولان بودر . یالکز و طرفدار سز و مطبوعاتیجه معینسز  
برادم بویله بر حرکتده بولندیخی حالده هر درلو و سائل اقتداره  
مالک اولان بردوات شو بولتیغه بی دهاز یاده سهولتله ترویج ایده بیلور .  
عقل سلیم بولتیغه سی تسمیه ایند بکم شو بولتیغه بی التزام ایتمکری  
رجا ایله ختم کلام ایدرم . یالکز بر سوزم دها واردر . ارتق ارتکاب  
اولندق خطا قالمدی (صور مختلفه ده حرکت نموده)  
بعض طرفلردن . یارین

الافراقده ساعت بشی بر چاریک کچه رک مجلسه ختام ویرادی  
  
(تاریخ قدمای ملوک مصریه) (مابعد)  
بطلمیوس و قیلوپاتر

بطلمیوس اون اوچ و قیلوپاتر اونی بیدی یاشنده ایسدرده زمام حکومت  
بطلمیوسک لالاسی (قوتن) نام خادم ایله سر عسکری (اکبلاس)  
و معلمی بتودونک یدلنده ایدی . بونلر اولوجهم له اداره حکومت  
ایلدکلری ائنده پومپه یونا نستانده قیصر روم ایله محاربه ده بولندیغندن  
پومپه نك اشبو مشغولینی فرصت عد ایدرك متوفی بطلمیوس اولیتك  
وصینامه سی موج بنجه قیلوپاتری حصه حکومتدن محروم ایلدیلر .  
بونك اوز رینه قیلوپاتر بر تقریب سر ایدن فرا و فلسطین  
و سوریه یه کدوب براردو تشکیل ایدرك برادر و زوجی بولشان  
بطلمیوس ایله محاربه ایتك اوزره مصره هودت ایلدی . اسکندریه

جوارنده بر محله طرفین منتهی<sup>۱</sup> حرب و قتال ایکن ایلروده بیان  
اولنه جنی وجهله سالف الذکر پومیه فرسال محاربه سنده مغلوب  
او لوب دونئاسیله فرار ایدرک مصر ساحلنه التجاوتحت وصایتنده  
بولنسان بطلمیوس سندن استمداد ایلدی . بطلمیوس بویا بده ذکر  
اولتن وکلا سیله مذاکره ایلام کده (فوتن) قبولنی واکیلانلار طردینی  
نفسیب ایتمش ایلده ده (نبودوت) پومیه حقندن اولان خصوصیت  
قدیمه سنده مبنی طردی کافی دکلدر ایلروده شایدینه کسب اقتدار  
ایله اخذ انتقامه قیام ایدرمیه رکه جلیله قتلنی تصویب ایلدی .  
بطلمیوس اشبورای سفیی ترجیح واجراسنی اکیلاس ایله مصر  
خد متنده بولنسان سیتیوس نام بررومالی یه حواله ایلدی و فوق  
الغایه تلطیف و توقیری متضمن بر مکتوب یازیلوب یدلرینه  
اعطا و غایت مزین بر فلکه یه ارکاب اولنه رق پومیه طرفنه  
ارسال قلدی . پومیه بوحیله یه الدانه رق بطلمیوسک دعوتنه  
اجابت ایتمش ایلده باشه کله جکنی اکلامش کی سنداله بنزایکن  
کبدنه ترک ایلدیکی زوجه سیله احبسانه خطابا بر ظالمک زدننه دخول ایدن  
اسیر اولور مائلنده یونان شعرا سندن مشهور صوفو قلیسک بیتنی  
قرائت ایلدی . صندال ساحله ینا شد قدیم قوم اکیلاس ایله  
سیتیوس پومیه بی خنجر ایله قتل ایدوب حکمداره تقدیم ایلک  
اوزره باشنی کسیدیلر . شوخالی پومیه نک دونئاسندن زوجه سیله  
متعلقاتی کوردکده فریاد و فغانه باشلا دیلر و بویله خیانت ارتکاب  
ایدن بر حکمدارک مملکتنده طورعی استمه رکه در حال عودت ایلدیلر .  
بووقعه دن براز وقت صکره قیصر روم پومیه بی تعقیب مقصد یله  
اسکندریه یه ورود ایلدی . قوه طالعه اسنادار فاقندن مالکزاوچ یلک

پیاده و سکر یوز سواریدن عبارت بر فرقه عسکر به المشیدی  
بطلمیوس کمال تعظیم ایله قیصر رومی استقبال ایدوب پو میسه نک  
سر مقطوعنی کند و سنه تقدیم ایلدی . قیصر شو معاملة غدارانه دن  
متأثر ایلک چوق بکا ایدوب بطلمیوس و و کلاسی نی بوندن طولانی  
تکدیر ایلدی و مقتول ایچون فوق العاده مکلف بر جنازه الایی  
ترتیب ابتدا یکنسندن اشبو حرکات مقبوله سی جملله نک تحسینی  
و بالخصوص پومپه طرفدارانک میسل و محبتلرینی داعی اولدی .  
بواننده قیصره اقچه نک لزومی اولدیغندن ملک متوفی ذممشده اولان  
مبالغ کلیه بی طلب ایلدی . مصر و کلاسی دخی قیصرک رفاقتده  
بولان قوه جزویه بی استخفاف ایتد کلرندن ابتدای امر ده  
اهالی بی علمنه تحریک ایلک مقصدیله حقتده بر چوق اراجیف نشر  
ایدوب گویا قیصر ملوواتنی استیفا ایلک ایچون عبادتگاهلرده  
و اغنیا خانه لرنده بولان سیم وزر و سائر ذیقیت اشیای غصب  
ایلمک نیتده اولدیغنی اعلان ایلدی لر . بونک ارزینده اهالی قیصر دن  
نفرت ایلکله باشایرب مشارالیمک کبر و عظمتی بر قاندها خص و تلرینه  
بادی اولمشیدی . قیصر روما رئیس جمهوری اولق جهته لملوک  
بیتده تگون ایدن منازعاتک فصلته حتی اولق ادعا سنه قیام  
و بلا ده بیان اولدیغنی اوزره بطلمیوس ایله زوجه سی قلیو پاتر  
بیتده واقع اولان نزاعی رؤیت ایده جهکنندن مرافعه لرینک اجرا ایچون  
حضررینه و کیلار کوندره لرینی طرفینه امر و اشعار ایلدی قلیو پاتر کمال حسن  
و جمال ایله شهرت شعار اولغله بر کیچدار دوستدن چیقدرق اسکندریه  
واصل و بر چاه شور سیدی دزوننده خفیا قیصرک سراینه

داخل اولدی . بونک درایت و طلاقتی دخی اوصاف مشروحہ سندہ  
 مساوی اولدیغندن قیصر بی اختیار دام عشق و محبتہ کرفتار اولدی .  
 فردسی کون بطلمیوسی جلب ایله ملکینی قلبو پازر ایله تقسیم ایلمی  
 امر ایلدی . بطلمیوس بوصحا بتک نہ مقوله سبب فاسد اوزرینہ مبنی  
 اولدیغنی فهم ایلد یکنندن سرایدن چبقہ قدقدہ تاجنی باغندن  
 چیقاروب اتمش و فریاد و فغان ایدرک صورت حال اھالیہ اعلان  
 ایلمش اولمسیلہ خلق بوندن متأثراً قیصرک اقامتکاهی اولان سراپہ  
 هجوم ایدوب اگر چہ روما عسکری اول امرہ مقاومت ایتمش  
 ایسہ دہ اھالیہک جمعیتی کتد کجہ زیادہ اشد یکنندن قیصر  
 بونلرک قارشوستہ چیقوب اطہار جلاد تلہ نازہ غضب لرینی تسکین  
 ایلدی و فردسی کون روما جہوری نامہ حکمدار سابقک  
 و صیننامہ سنی تصدیق و حکومتک بطلمیوس ایله قلبو پازریندہ  
 تقسیمی تکرار امر ایلدی و روما جہوری طرفندن ضبط اولمش اولان  
 قبریس جزیرہ سنی مصر حکومتہ در ایله حکمدار سابقک  
 ینہ بطلمیوس اسمندہ اولان او غلی ایله ارسینوی نام کوچک قرینہ  
 بخش ایلد یکنندن شو حرکتی اھالی مصرک ممنونیتی مستلزم اولدی .  
 بو کیفیت مصر و کلا سنک تصورات فاسدہ لرینہ توافق ایتمد یکنندن  
 قیصر حقندہ ینہ بر طاقم اراجیف نشریلہ کویا بو وجہلہ معتدلانہ  
 حرکتی اھالی بی اغفال مقصدیلہ اولوب ورودینہ منتظر اولدیغنی  
 عسکر کلد کدہ بطلمیوس و طرفدار لرینی قتل عام ایله اخذ انتقام ایلمک  
 نیتندہ اولدیغنی اعلان ایلدیلر . بونک اوزرینہ اھالی تکرار ایاقانوب  
 مصر عسکریلہ بالاتفاق قیصر روم اوزرینہ هجوم ایلدیلر .  
 مشارالہ نزدہ بولنان فئہ قلیلہ ایله مقاومت ایدوب سرای و تباروہ

استحکام وردی . مصر دوتاسی دخی کندوسنی قضیق ایلدیکندن  
قیصر قنار قلعه سنی ضبط ایله مذکور دوتاسی احراق ایتدی  
واشو حریق شهره دخی سرایت ایتکله در تیوز یک جلد کتانی  
مستل اولان مشهور کتبخانه محترق اولدی .

قیصر بطلموس ایله صدر اعظم مقامنده بولنان سالف الذکرفوتی  
اخذتوقیف ایدوب بعده مصر اردوسی ایله مخبره خفیه سی اولدیغنی  
خبر المغله فوتی اعدام ایلدی ( غانمید ) نام دیگر برخادم  
بطلمیوسك كوچك همشیره سی ار سینیوی الوب  
اردویه کیدرک واردوسر عسکری اکیلاسی برتقریب قتل ایله  
سر عسکرلکی ضبط واسکندریه نیل صوی ایصال ایدن جدوللری  
قطع ایدرک روما عسکرینی صودن طولای قضیق ایلدی .  
قیصرک عسکری اشبو مضایقه دن داکیر اوله رق بینلرنده بعض  
اماره عصیان ظهور ایتش ایسه ده مشارالیه قبول حفر ایتدیروب  
مساعده طالع ایله صوبه تصادف اوله رق مضایقه مذکوره  
برطرف اولدی

بو ائاده قیصرک امرای عسکریه سندن ( کالیونیوس ) بر مقدار روما  
عسکریه سوریه دن امداده کلدیکندن مصر اردوسی سر عسکری  
بونلرک راشمنی منع ایتک ایچون ( کالیونیوس ) ایله بحر احباریه ایدوب  
مظفر اوله مامش ایسه ده تکرار بر دوتاسی تجهر و قیصر اوزرینه  
سوق ایله غلبه ایلدی و بو محاربه ده قیصرک اوچوز عسکری تلف  
اولش وراکب اولدیغنی سفینه دخی غرق اولدیغندن مشارالیه  
اسلحه سیله برابر کندوسنی دریا به آتوب برالیه حامل اولدیغنی  
بعض اوراق مهمدی صودن یوقا رو طوته رق و دیگرالیه یوزه رک

ساحل سلافته چیه شد .

بوندن صکره مصر لولر حکمدار لر بنک اطلاق شریطه قیصره  
صلح تکلیف ایدوب مشارایه دخی قبول ایلدی . بطلمیوس حین  
اطلاقده اغلایه رق قیصره عرض تشکر و معاهده منعقدہ نک  
اجرا سندہ سره و قصور ایتمه چکنی هر درلوی عین ایلہ تأمین ایتمش  
ایسه مدد اردوسنه عودت ایتد کده خلف عهدله تکرار محاربه به  
مباشرت ایلدی . قیصر اولامصر دو نماسیله حرب ایدوب  
بوننی غرق و تلف ایلدی . اول اثناده سوریه و اناطولی طرفلرندن  
قیصره برمه دار امداد یئتوب بعض عرب طوائفیله مصرده  
ممکن یهودلر دخی کندو طرفنه میل ایتد کلرندن مشارایه  
بوقوتلری جمع ایلہ بطلمیوس اردوسی اوزرینه هجوم ایدوب مظفریت  
عظیمه به مظهر اولدی . بطلمیوس نیلده بر سفینه یه را کبا قرار  
ایدرکن سفینه سیله برابر غرق و تلف اولدی

بووقعه نک اوزرینه مصر الکاسی کاملا قیصرک ید استیلا سنه  
کچمکله محبوبه سی قیلوباتری تخت حکومت اجلاس و مشارایه نک  
اون بریاشنده وینه بطلمیوس نامنده کوچک برادرینی رسما  
کندوسنه تشریک ایلدی .

قیصر اول اثناده روما جمهورینه تابع بولانن ممالک کافه سنه مالک  
اولوب هیچ بر طرفدن خوف و اندیشه سی دخی اریلمد یفتدن برمدت  
قیلویا ترایله هیش و عشرت ویرلکده نیل بوینده سیاحت ایلدی .  
ممالک حبش جانیته کیدوب اورارک دخی قبضه تصرفه ادخالنی  
تصور ایتمش ایسه ده بشیوز سنه اول کیقبه اردوسنک دو چار  
اولدینخی فلاکتی تمخطر ایلہ بوندن صرف نظر ایلدی .

قیصر ك قلیو پاتردن براوغلی تولد ایدوب (قیضریون) تسمیه  
اولندی و بو وجهله رابطه محبتلری برقات دهاتاً کد ایلد یکندن  
قیصر روماقانونی خلافتده اوله رق قلیو پاتری تزوج ایلکی تصمیم  
ایتدی یکی مر ویدر

اول ائشاده بونئوس حکمداری مشهور میتریداتك قارتاس  
نام اوغلی روما جمهورى علیه قیام ایلد کده قیصر ایشو دشمن  
اوزرینه متوجه مصر دن حرکتیه مجبور اولدیغندن مقدم  
وقوعبولان معاوئلرینه مکافاة یهودیلره بعض امتیازات اعطا  
ایدوب قبل انعمه بونلری برمر مر اوزرینه حک ایتدی

قیصر قارتاس ایله محاربه سنده غالب کلوب غائله مذکوریه  
بر طرف ایتد کدن صکره رومایه عودتده ترتیب اولئان الایده  
قلیو پاترك كوچك همشیره سی اولوب مقدم علیه بنده بولئان سالف  
الذکر ارسینوی دخی ملوک خاندانندن اولان سأسراسره سنده  
درزنجیر اوله رق رکابنده یورتدی

قیصر ك رسماً حکومته قلیو پاتره تشریک ایتدی یکی بطلمیوس  
اون بش یاشنه وارد قده بالفعل مشترکاً حکومت ایتک داعیه سنده  
بولدیغندن قلیو پاترموی البهی تسمیم ایله منفردا جالس مسند  
حکمداری اولدی

بعده قیصر روما جمهوریتی سلطنته تحویل ایله صندلی حکمدارییه  
قعود ایتکی مراد ایلد کده سناتو مجلسنده بولندیغی حالده اعضادن  
قاسبوس ایله بروتوس کئدوسنی اعدام ایتدی لر مشاریهک اوکی اوغلی  
اولوب صکره لری اغستوس نامیله روما امپراطوری اولان اوقئاد  
مشهور انطوان وایبیدوس نام ذاتر ایله بالاتفاق پدرینک قاتلی اولان

بروتوس ایله قاسیوس محاربه به قیام ایلدیلر . بو خبر اسکندریه به  
 واصل اولدوقده قلیو پاتریقصرک اوغلی طرفنه میل ایدوب امدادینه  
 برهقدار عسکرار سال ایتش ایسه ده قاسیوس و بروتوس عساکر  
 مذکوریه سیبر ایلدیلر . مشارالیه ادونخاسنی استعصاب ایله بالذات  
 امداده اتمک اوزره اسکندریه دن حرکت ایتش ایسه ده مخالف  
 هوایه تصادف ایدرک عودته مجبور اولدی .

بوندن برسنه صکره قاسیوس ایله بروتوس قلبه ده وقر عبولان  
 برمحاربه ده مغلوب و مقتول اولالریله میدان مذکور متفقلمه قالوب  
 بونلرروما جمهورینه تابع اولان ممالکی بینلرنده تقسیم ایله اسباقطه سی  
 انطوان حصه سنه اصابت ایتسیله ممالک شرقیه ملوکی کافه  
 مشارالیهک نزدینه کلوب عرض اطاعت ایلدیلر .

اولوقتلرده فنکه ایا لتی مصره تابع اولدیغندن انئی محاربه ده  
 والبسک قاسیوس و بروتوسه معاونت ایتش اولدیغنی انطوان استماع  
 ایلدیکندن فنکه والیسنتک اشبو خرکنده کندو سنک مدخلی  
 اولدیغنی حضورنده اثبات ایتک ایچون قلیو پاتری نزدینه دعوت  
 ایلدیکندن مشارالیهابی حساب اموال واسباب احتشام استحصایله  
 دونخاسنه راکبا اسکندریه دن حرکت و انطوانک پایتخت انخاز  
 ایلدیکی طرسوس شهرینه عزیمت ایلدی . سیدئوس نهرینه  
 واردوقده برچکدیرمه یه سوار اولدی . اشبو سفینه سرپا التون یالدر  
 و کورکلری کوش ایله مزین اولوب یلکنلری اقبشه نفیسه دن مصنوع  
 ایدی . کندوسی کوورته اوزرنده صره مدلی قماشدن برتنه التند  
 وساده نشین عزوناز اولوب اطرافنده برچوق دختران سیمینر خفیف  
 البسه ایله دیوان طوررل ایدی و کونا کون رایحه طیبه منتشر اولور ایدی

وسازندگانك نغمات دلکش اداسی کورکلك انتظام اوزره صویه  
 اصابتندن تگون ایدن صدایه قاریشه رق برصدای جانفرا  
 حاصل اولورایدی . نهر مذکور سوا خلمنده بولنان اهایلی یکی بقیه ده  
 اجتماع ایدوب چشم تعجبله شو حاله نگران اولورایدی . و بوسقینه نك  
 سکانی انسان اولیوب پری طائفه سندن و یا خود اول زمان معبود آتخاند  
 اولنان آلهه دن اولدیغه ذاهب اوله رق بولنره سجده ایدرلایدی قیلو پاتر  
 شو حال ایله طرسوس شهرینه . واصلت ایتد کده عموما اهالی بلده  
 سیرینه چیقیدیلر

انطوان مشارالیهایی طعنا مه دعوت ایتد کده کندوسی چادری  
 النده برضیافت ترتیب ایتدیکدن کندوسنك کلسنی رجا ایلدی .  
 مشارالیه اجابتله قیلو پاترک نزدینه کیدوب ملاقی اولدقدہ بودخی  
 قیصرزوم کبی درحال دلداده جمال باکال اولدی و مرافعه و مؤاخذہ سی  
 نیشده ایکن زمام اختیارینی یدینه تسلیم ایلدی . بونك اوزرینه  
 برلکده عیش و عشرتله مشغول اولوب احتشام و سفا هتده یکدیگریله  
 مسابقت ایدرلایدی . قیلو پاترهر برضیافتنده حضاردن هر برینك  
 استعمال ایلدیکی التون و کوش اوانی بی کندوسنه اهدا ایدرایدی  
 و برکون یا لکز ایکیسی ایچون شمدیکی ایچمه حسایله بکرمی ییک  
 کبسه نك برضیافت ویره ییله جکفی سویلد کده انطوان بونك عدم  
 امکانه ذاهب اولمش ایدده اون ییک کیسه نك اوله رق ایکی دانه  
 غایت ایری اینجو کتوروب برینی سرکه ده ایدهرک شرب ایدوب  
 دیگرینی انطوانی بواسرا فدن قورتار مق اوزره زو مانك باش  
 عبادتگاهنه ارسال ایلدی . انطوان بو عشق بلاسیله انواع فضاحت  
 ارتکاب ایدوب ازجمله قیلو پاترک همشیره سی ارسنوی (میله) شهرنده

بر عبادتگاهده اختیارات از او ایدوب اول وقتک اصول واعتقادینه کوره بوقوله لک رنجیده اولنسی کبائر دن معدود ایکن قلیو پاترک ابراهیمه اتی قتل ایندیردی و بوندن صکره مشارالیه برابر اسکندریه کیدوب اوراده انواع فسق و فجور ارتکاب و عامه نک سؤنظرینی استعجاب ایلدیلر

انطواناتک شو حرکاتنه مبنی کندوسبله روما رئیس جمهوری اوقتاد یئینده بعض مرتبه برودت حاصل اولوب بواثناده حسب المصلحه رومایه عزیمت مجبور اولدیغندن قلیو پاترک دست اسارتدن تخلص کریبان ایلدی . رومایه وصولنده اوقتاد ایلله باریشوب مشارالیهک اوقتادی نام همشیره سنی دخی تزوج ایلله برمدت اوراده اقامت ایلدی .

برازوقت مرورنده جمهور طرفندن ایرانلولر ایلله محاربه یه مأمورا ممالک شرقیه یه عودت ایتدکده ایفسای مأمورشدن صکره مصره کیدوبینه کالاول قلیو پاترک دام محبته گرفتار اولمش ایسهده اولوجهله روماده وقوعبولان تزوجندن طولانی قلیو پاترک کندوسنه منفعل اولدیغندن تلطیف و تطبیبی ضمنتده روما جمهوری ممالکنندن قبریس جزیره سنی و فنکه ایالتی ایلله سورده واقع بعض محلاری قلیو پاتره بخش ایلدی . بو کیفیت اوقتادک موجب انفعالی اولدیغندن بونک همشیره سنی و انطواناتک زوجة سنی بولنان اوقتادی یینلرینی اصلاح ایلک ایچون مصره کلمک اوزره رومادن حرکت ایلدیکنی انطوان خبرالدقده قلیو پاترک اصرار ایلله زوجة سنی بولدن چوریدی . اوقتاد کرک جمهورک و کرک همشیره سنک منافعی و قایه انطوان ایلله بحار به یه قیام ایلدی . انطوان مقدسجه وان و شیروان ایالتلرندن

عبارت اولان ارمنستان حکومتی ایله محاربه ایدوب مملکت مذکور بی  
ضبط و تسخیر و حکمدار بی اسیر ایدرک اسکندریه یه کنورب  
حین دخولنده ترتیب اولتان الایده التون زنجیر ایله مقید اعریه سنک  
ارقه سنده یوروتد کدن صکره اشواسیر تا جداری کوله مقسامنده  
قلیو پاتره اهدا و هر وجهله تطیب خاطر و تحصیل رضا سنه اعتنا  
ایدوب حتی برکون عالم آبد روم مالکنی ضبط ایله کند و سنه  
تقدیم ایتمکی تعهد ایلمشیدی . بوائناده مصر الکاسی قلیو پاترک  
هر درلو اسراف و سفاهتیه برابر زیاده سیله معموریت و اسایش  
حالیسنده ایدی و اسکندریه مرکز تجارت عالم اولدقدن بشقه  
بالجمله ممالک شرقیه ملوکی او را یه کلدرک انطوانه عرص خلوص  
ایتمک اوزره قلیو پاتره هدیه لر تقدیم ایدرل ایدی و مشار الیهما دخی  
اسلافنک اکثری جاهل اولدقلری حالده کندوسی زیورعلوم  
و معارف ایله محلا اولوب حتی مصر لسانندن بشقه یونان و لاتین  
و فارسی و عربی و سریانی و عبرانی کبی سکر اسانی کرکی یلمور  
ایدی . اسکندریه نک محترق کتبخانه سنی مجددا انشا ایدرک یکیدن  
کتا بلر جمع ایدوب انطوان دخی قیج ایلد یکی ممالکده بولدیخی  
ایکوز بیک جلد کتابی کتبخانه مذکور به وضع اولنق اوزره  
مشار الیهما اهدا ایلمشیدی . لکن قلیو پاتر فسق و فجور ایله مالوف  
اولوب بوندن قطع نظر غایت سخت دل و غدار ایدی و روايت  
اولند یغنه کوره قنخی صنفدن اولور ایسه اولسون بکندیکی  
ولیانلوری سرایته جلب ایله حرامده ییقاتدروب ایسه نفیسه  
اکسا ایتدیرد کدن صکره مجلسنه قبول ایدر تی و بر لکده عیش  
و عشرت و ذوق و صفایلد کدن صکره بر کاسه شراب ایله